

籌辦夷務始末

籌辦夷務始末卷之二十九

同治三年甲子十月庚午伊犁將軍常清奏。按奉同治三年五月十二日

上諭西路分界事關緊要各城所屬人眾地方應如何各就本境豫籌辦理之處令常清等迅速查奏等因欽此昨據托克托素

稟稱俄人兵隊前者直入卡倫之內忽爾排隊大肆狂言意欲尋釁卻未施放槍礮我兵暗中防範不與計較忽爾又將兵隊分兩三次逐漸暗行撤去竊查各路回匪紛紛變亂數城失守兵連禍結之際若再加以外國相偏內憂外患實難兼顧等再四籌思兩害相形則取其輕權宜

裁辦以顧大局。遂即咨照明謹等。准照俄人議單妥商辦理。迅速結案。以彌弊端。至安置索倫四愛曼及哈薩克布魯特人等。據托克托索稟稱。索倫營總管阿木爾們都剌總管霍加布。率領派官員出具甘結。云我們索倫營人口地方均屬

國家所有。官員等不能專主。由總理各國事務衙門所議。在塔爾巴哈台分定疆界後。再為進行。索倫營鎮蓋旗圍爾根河西邊之田地。如俄羅斯占去。另給我們一塊好地。並給牧放牲畜之地。仰懇即照議單辦理。以期

國家之事有益。至索倫營以北山場一帶地方。其投誠之哈

薩克等被俄人逼迫。目下暫為寬住。我營斷不能滋生事端。各等語。查索倫營官兵丁素與俄人勢不相下。今正當分界之時。尚不至中有梗阻。等語。即藉為轉圜結案之舉。俟塔城定議之後。等再派經理洋務之領隊大臣托克托素。將各愛曼暨哈薩克布魯特等男婦人口若干。所有田廬墳墓。以及牧放牲畜各項生計。分別覈辦。其如何與俄國相約。彼此兩不侵犯。自應由明誼等詳細定立章程。再行遵照辦理。等語。即遵。

旨將所辦各項情節一面奏。

附一面咨會明誼等。向俄人婉商。或可挽回一二。以平眾情。如執。

意不允○等已先與索倫營立有成約○擇草水深茂之地○換
給若干里數○以符前議○至招回貿易色克德爾官一節○前
因軍務正興○恐滋流弊○曾咨明暫緩數月○再辦○適俄人詢
問看守貿易圍地之人○是否照舊○其意似欲一見○當即告
以圍地早經派人守護○絲毫無失○爾國有一人在圍內住
宿看守○平安無恙○原不難即遣伊赴爾營中會晤○誠恐此
人難歸○萬一圍內稍有物件遺失○憑何質證○不如另派一
二人前來替換○暫住數日○親面交代○詎料俄人堅執不從○
且云此人在圍內○聽爾等作何處置○圍內物件稍有遺失○
定要賠償○目下兵隊既漸退去○我兵亦即撤防○勢惟候塔

城咨會隨時變通通紳以好

聖鑒

御批該衙門議奏

癸酉總理各國事務恭親王等奏本年十月初三日由軍機處交出伊犁將軍常清奏還結俄人分界事宜以顧大局一摺本日奉

旨該衙門議奏欽此○日等伏查勘分西界一案○前據明緒片奏○已於七月初十日行文西憲畢爾准照議單分界○茲據常清奏稱○內憂外患○實難兼顧○因即咨照明誼等○准照該國議單妥商辦理○自係尚在未經奉到

諭旨及接准臣衙門行知以前業經欽奉

諭旨飭令明護錫霖等妥為辦理應令欽遵前奉

諭旨將來俄使到塔務即迅速妥辦不得於議單之外再生枝節

至界址既由常清等准照議單商酌妥分所有各愛曼及

哈薩克布魯特等屬自應妥為安置應如常清所奏與俄

人婉商如能挽回一分即可得一分之益否則該將軍等

既與索倫營立有成約即行酌給草水深茂之地以符前

議其招回貿易色克德爾官一節前經臣衙門與俄國公

使往來辯論後即經函致常清等結給西志畢爾咨文告

以該官原非逼迫離任自可照舊來圖任事惟現在地方

不諱諸多未便一俟軍務稍平定當行文告知安穩回任等因應令該將軍查照前函參酌現在情形妥為覈辦御批知道了

恭親王等又奏同治三年九月初六日軍機處交出科布多參贊大臣廣鳳等奏俄人依怕木依萬捨奪馳騎校多果什家馬羣踢傷伊子烏勒都倫身死及俄官捏稱自縊勒令屍親出結等因一摺奉

旨該衙門議奏欽此臣等伏查該俄羅斯依怕木依萬二人將蒙古馳騎校多果什之子烏勒都倫致命重傷身死據委員仵作屍親照同驗明取有驗單甘結及屍親供結自係供

證元傷確有實據該俄官仵作等何得妄行割斷捏稱自
縊並將該總管屍親等帶去強勒具結書押其誣捏情狀
益屬顯然隨將科布多參贊大臣廣鳳咨送理藩院之驗
單甘結供單等件由臣衙門咨取查覈與該大臣原奏情
形相同當經據情照會俄國駐京公使倭良嘎哩轉飭邊
界官迅將依怕木依萬二人交出會同該處地方官未公
審訊屬實立即按律治罪並將所搶馬羣數目代尋交還
等因去後旋據該公使倭良嘎哩照覆稱業經轉咨西志
畢爾總督飭下所屬務將此案遵依條約照例覈辦等因
前來已咨行科布多參贊大臣廣鳳查照俟與俄國會辦

此案時務即遵依條約未公裁實辦理毋得任其含混以重人命

御批知道

給俄國照會

為照會事。准科布多參贊大臣咨稱。本年四月二十八日。阿勒坦渾爾烏梁海總管莽岱旗下驍騎校多果什家。來有俄羅斯依怕木依萬二人。起意搶奪伊家馬羣。並捉住伊妻巴喇查噶行兇。伊妻懼怕。隨同行走。俄人望見馬羣。遽行趕走。並將伊子烏勒都倫之連鞍騎馬一匹。一併拉走。伊妻向詢伊子處所。俄人言在放馬地方。故作卧倒。伊

妻往看烏勒都倫已經被傷身死○當經稟報派員帶領伴
作○於六月初七日○會同俄官所帶伴作○及屍親人等眼同
相驗○驗得烏勒都倫妻係踢傷身死○旋據俄國伴作○將烏
勒都倫脖項及腦頂皮用刀割開○又鋸開腦骨○割開腹皮○
驗係自縊○並經俄官將總管各官及屍親人等帶赴格格
斯台地方○勒令屍親多果什等○照依自縊出結畫押等情
咨請裁辦前來○本王大臣查俄國條約第八條內載○若有
殺人搶奪等重情○領事官與地方官各辦各國之人○又第
十條內載○邊界大小案件○會同審訊○其審訊兩國所屬之
人○俱照天津和約第七條○各按本國法律治罪○又遇有搶

奪牲畜俱依照會之數將所失之物尋獲立即送還原物
卽照例計贓定罪各等語俄人依怕木○依萬等○搶奪多果
什家馬羣遠將看守馬羣之烏勒都倫踢傷身死派員查
驗屬實而俄國件作驗係自縊遠將屍親帶去勒令照依
自縊出結畫押既未將兇犯交出會訊定罪亦未將所失
牲畜尋獲交還均與條約不符詳查此案俄人搶奪馬羣
途過多果什之妻向詢伊子處所據稱在放馬地方故作
卧倒情詞已屬支離迨經俄官帶領件作相驗竟聽件作
擅將屍身脖項割開猶稱自縊辦理尤屬非是如果烏勒
都倫係屬自縊中國自有驗法斷無將屍身任意割鋸之

理屍親如果情甘出結自應向本國官長陳明若由兇手
所屬之外國官強行帶往勒令依照自縊出結此等辦法
何能取信於人使之心服且中國定例罪大惡極之人死
後始行戮屍今烏勒都倫並未犯有罪惡既經慘死復於
死後慘遭屠割實屬無辜受刑依怕木○依萬係俄國之人
自應照俄國之例辦理烏勒都倫並非俄國之人豈得亦
照俄國之例慘割相驗此卽有人抵命其慘割已屬可憐
若既遭慘割又不抵命於之情法豈可謂平除將科布多
大臣原文鈔送查覈外相應照會貴大臣轉飭邊界官還
將依怕木○依萬二人交出會同該處地方官秉公審訊屬

實主卽按律治罪○並將所失馬羣覈實數目○代為尋獲交還○以彌弊端而重條約是為至要

俄國照會

為照會事○貴王大臣以接准科布多參贊大臣咨文內開○俄人搶奪曉騎校多果什家馬羣○並踢傷伊子烏勒都倫身死等情○照會深以俄國邊界官辦理不善為言○本大臣現尚未接到該處封疆大臣移文○其是非所在勢難遽度○茲將貴王大臣照會○並科布多參贊大臣來咨譯出鈔送○西憲畢爾各省總督○並咨請該大臣飭下所屬○務將此案遵依條約照例覈辦○一俟接到該督來文○卽行照會貴王

大臣可也。

丙子駐藏大臣滿慶幫辦大臣恩慶奏。前於五月二十七日將阻止洋人傳教情由陳明。

聖鑒。昨准達賴喇嘛咨稱。上年天主教二三人藉貿易為名來藏傳教。曾經勒令轉回。嗣有洋人又由堆里及布魯克巴哲孟雄奪宗各邊界前來者。隨即報明二位大人。業由邊界阻攔回牧。目今藏屬地面並無外來天主教之人。嗣後仍嚴密防範。不至有失察越入藏界之事。惟以前自雲南及打箭爐行至擦瓦棚孔置業之天主教罪朋等。肅法日等在彼數年。任意傳教。已擾亂番民數人心意。現在設法將

該從者分別查辦。並不准彼處人等擅行來藏。今雖止有
羅助等一人尚住棚孔。而棚孔距打箭鑪甚近。恐漢人差
使自鑪出口時。另有天主之人。身穿漢衣。混雜其中。暗傳
彼教。則番民難以稽查。致釀事端。應請援情奏明。

大皇帝飭由打箭鑪地方官認真清查。出關兵民方免洋人潛越
藏地。實於黃教大有裨益等因。等查所擬高中青紫除
咨明理藩院。總理各國事務衙門。成都將軍。及劉打箭鑪
廳外。理合具奏。

御批該衙門知道

奉旨總理各國事務恭親王等奏。據雲貴總督勞崇光貴

州巡撫張亮基奏。將已革貴州提督四興恕等審明分別
定擬具奏一摺。同治三年九月二十四日奉

旨。總理各國事務衙門妥議具奏。欽此。臣等伏查四興恕殺害教
民一案。上年經臣等執持過

恩減等。向法國使臣柏爾德密再三開導。始據聲稱將四興恕監
禁後。照中國例辦理。給予照會。以便寄回本國。即可辦結
等語。今因四興恕既已監禁。臣等公同商酌。此案應禁一層。
雖已照中國拏問例辦理。但中有楚南一誤。連延時日太
久。難免該使不藉口翻悔。前據同酌定先與面晤。重申上
年之款。並斟酌給予一函。將過

恩減等辦法明為告知。一則藉探該使有無翻悔之意。二則如該使肯俯首議結。不必俟告知該國即可完案。更為直捷。乃該使於辦法雖無異詞。而覆信內仍言必須告知本國。俟覆到再行知照辦理等語。法國前使臣哥士者在京時。因請以口興怒抵償。經臣等開導。不當至再至。三該使仍堅執不移。幾有決裂之勢。自柏爾德密接手後。臣等屢以理解說。使爾活動。今該使臣以告知本國為詞。揣其用意。該國素崇奉天主教。因此案從寬議結。豫防各教士。還有後言。故不得不藉本國一言。以杜教士之口。臣等因思辦理此等交涉案件。總以結實為主。方免後患。況傳教士之在

中國若實多遇事生風之徒。而此案又該國所視為重者。僕今日稍留閒隙。將來倘有不如其意之處。難保不藉翻案為洩恨之計。此時稍寬時日。正可免後來別生枝節。惟中國距該國甚遠。往返總需數月。臣等恐勞崇光暨崇實等未悉此間辦理情形。因酌寄勞崇光並崇實等各一通。告知原委。並於寄崇實略末章函內。令其將田興恕妥為安撫。以待此間議結。毋令再滋事端。致有反覆。相應請旨飭下崇實。略末章。仍將田興恕妥為看管。毋任他出。庶該使接到該國回信後。自不至再有藉口。將來照中國過款減等之例辦理。亦屬詞嚴義正。易於完結。

諭政王軍機大臣等。前因勞崇光張亮基奏。將已革提督田興
恕等審明分別定擬。當諭令總理各國事務衙門議奏。茲據該
衙門奏稱。此案上年與柏爾德密辯論時。該使臣曾言將回興
恕監禁後。照中國例辦理。給予照會。以便寄回本國。即可辦結。
嗣因此事遲延時日太多。難免該使不藉口翻悔前議。因先與
面晤。重申上年之議。並酌給一面。告知遇恩減等辦法。乃該使
於辦法雖無異詞。而覆信內仍有必須告知本國。俟覆到再行
知照辦理等語。揣其用意。該國素崇奉天主教。此案從寬議結。
恐各教士還有後言。故不得不藉本國一言。以杜教士之口。惟
中國距該國甚遠。往返總需數月。恐勞崇光等暨崇實等未悉。

此間辦理情形。因先各寄一函。告知原委。請飭崇實。賂秉章。仍將田興恕妥為看管等語。此案辦理總以結實為主。自應照該衙門所請稍寬時日。以免後來列生枝節。惟田興恕現在秀山。該處距鎮筵甚近。賊氛未淨。崇實。賂秉章。還在成都。有鞭長莫及之勢。計法國覆劫。至速亦在三四箇月以外。恐田興恕因日久。案懸莫結。自懷疑懼。設滋他故。則傳教人等浮言又起。恐致波折橫生。柏爾德密亦將藉口翻悔。著崇實。賂秉章。酌量情形。如秀山可以無虞。即仍將田興恕在該處羈禁。若秀山相距較遠。防範難周。即著設法將田興恕解省。妥為安置。以昭慎重。一俟該國覆信到時。即可照中國遞教減等之例辦理。該將軍督

撫等務當悉心籌畫計出萬全毋得稍有疏虞總理各國事務衙門摺一件並給法國使臣信一件均著鈔給閱看

給法國使臣密函

已革提督四興恕前經奉

旨拏歸項於七月初一日由湖南押解抵川羈禁現在議罪未結查四興恕殺戮無辜之人其罪誠不可逭但因不知事體輕重且從前殺賊有功百姓皆知又以歷奉

恩詔例應減等此案若照中國律例其罪原可議減且亦不必審辦若斯之重惟是四興恕所傷者內有貴國之人自當與貴大臣相商四興恕本係性情乖僻之人止緣前在湖南

殺賊救民曾經出力為所傷而懷恨者固不乏人為所救而感恩者亦復不少傳教士遠涉重洋入華傳教今既無罪被伊戕害若不將戕害之犯重加懲創誠不足以昭炯戒。然若不按定例辦理懲之過當雖可即時取償轉恐取怒難犯致受恩百姓厚與教民為讎轉非保護教民之道。況被累諸人願為懇請寬免亦與中國此案情節例案相符。本王大臣等專函密與貴大臣相商除案內不備各情已飭黔省籌畫調度妥為辦理所有田興恕一犯應即減死一等永遠充軍不准援免。本王大臣等因係至要公務不得不再三慎重以期妥協辦結如照所商定蒙

諭旨宣示京外。俾各處均知有功如田興恕。因殺害傳天主教之人。雖未經抵償。然所得之罪。亦足使此後軍民人等。不至再行殺虐教中之人。並使知順治康熙年間。有嘉惠教士至意。當今

大皇帝仍復與順治康熙年間優待無異。將來內外官民。亦皆知相待教中人等。均當一視同仁。毫無歧異也。再此案貴國大皇帝。如願照本王大臣所商辦結。則中國

大皇帝更可以此為法國大皇帝真情和好之據。

寄成都將軍崇實四川總督駱秉章信函

貴州教民一案。自楚中一說。延宕多日。柏爾德密屢向本

處催詢幾於無詞可答。直盼至前月初旬始接到尊處具報。回前提督。竊崇秀山之奏。當即據以函知柏使。用安其心。且以此次

諭旨。有卽著勞崇光張亮基迅速定擬。不必俟該革員到省等因。誠恐此事遷延太久。難保柏使不藉詞餽舌。翻悔前議。因復約與面商。重申上年之議。並斟酌給予密信一函。言明遵照。遇

恩減等辦法。幸該使尚無異詞。惟云應卽詳細告知本國。一俟覆到卽行知照。且允暗中幫助完結此案。其意以爲此時保全田興恕。將來卽可保全教士云云。本處恐其稍有變動。

再三詰問萬一貴國不以為然又將如何辦法彼為我等窮至極處乃言本國如不照辦定即辭退欵差不再為官云云本處細察近日會商情形尚覺順緒似該使不至再生枝節現在辛階石卿定擬之摺已於昨日由軍機處鈔交到奉

旨交本處議奏看此光景將來總可照所奏過

恩減等辦理惟該使必俟該國覆回此自係不敢擅專之公義本處固該公使既有本國如不照辦即行辭退欵差之言神情甚為決絕且恩觀柏使為人向來辦事尚屬誠實可靠此時既有此言自未便過於相迫止好靜以待之一俟該

使知照該國覆到本處○定當飛行專處查照○減等辦理○惟
聞秀山地方○距鎮軍甚近○而距成都將二十里之遙○誠恐
田前提督○或生疑忌○該處地僻人稀○防範恐難周密○屈計
法國覆到○至速亦在三四箇月以外○萬一日久○該革提督
又生他故○則事敗垂成○以後將無從收拾○仍希體察情形○
妥為安撫○如秀山可恃○即藉秀山○儘稍有未安之處○即宜
設法仍解者中○方為正辦○外間情形○本處無從遠度○惟望
妥酌行之○至要至要○

寄雲貴總督勞崇光貴州巡撫張亮基信函

九月二十四日○由軍機處鈔出專處疏○奉

旨交本處妥議具奏。同日又奉到公函。誦悉一切。此案自楚中一
誤。延宕多日。柏爾德密屢向本處催詢。幾於無詞可答。直
盼至前月初旬。始接到川中具報。田興恕竊禁秀山之奏。
當卽趕緊函知柏使。以安其心。且以此次

諭旨內。有迅速定擬。不必俟回興恕到省等因。這計尊處奉到後。
必卽擬奏。本處深恐此案遷延太久。難保柏使不藉詞餽
舌。翻悔前議。因復約與面商。再中上年之議。並斟酌給予
密信一件。言明將來遵照。遇

恩減等辦法。幸該使尚無異詞。惟云應卽詳細告知本國。一俟履
到。卽行知照。且允暗中幫助完結此案。其意以為此時保

全田與拙將來即可保全教士云云本處恐其稍有變動
再三詰問萬一貴國不以為然又將如何辦法彼為我等
窮至極處乃言本國如不照辦定即辭退欽差不再為官
云云本處細察近日會商情形尚覺順緒似該使不至再
生枝節專處所擬將來總可照辦惟該使以必俟該國覆
回此自係不敢擅專之公義本處因該公使既有該國如
不照辦即行辭退欽差之言神情甚為決絕且慰觀柏使
為人向來辦事尚屬誠實可靠此時既有此言未便過於
相迫止好靜以待之一俟該使知照該國覆到時本處即
可按照減等奏結再行覈咨專處及川中查照辦理至此

次尊處奏摺

批交本衙門妥議○未將原摺發還○亦係稍緩時日○待其覆信之意
耳○

恭親王等又奏○查內務府造辦處○舊有玻璃作一所在西
安門內天主教北堂西偏○咸豐十年○法國照約查還教堂
之時○曾據傳教士孟振生○指該玻璃作為堂內之地○懇請
一併給還○當經臣等以並無憑據○礙難查給駁斥○旋據該
教士呈稱○此項玻璃作○原係堂內地基○安置製造玻璃之
所○後因中國派人在此學製玻璃○亦未另置別所○至收堂
時○遂連玻璃作均行入官○懇即照約賞還等語○並據繪具

堂圖呈閱。臣等查法國續約第六款內載。前所充之天主
教學堂。坐墳四土房廊等件。應還交法國。住京大員。轉交
該處奉教之人等。此項玻璃作。既據該教士呈明原委。
係屬堂內地。地自應照給。惟以玻璃作。弊無遠處。未經即
時交仰。嗣於同治二年冬間。該北堂回祿。本年興工修葺。
又復屢請給還。因查得永安門外金魚胡同舊鐵錢局北
廟。現在封閉無用。因將該局內北房二十四間。分交內務
府署。加修葺。改為造辦處玻璃作。將原玻璃作地基。交還
該堂收領。至現修新玻璃作。需用工料銀五百兩。因原作
係查還外國教堂。未便由內務府辦公項下開銷。業經於

臣衙門所存三成船鈔項下照數支給應用理合附片陳
明

御批知道了

法國教士孟振生原呈

敬呈王爺台前四堂地址均已收明尚有界址不清之處
懇垂格外之恩因本鑑牧遣人催察該處視為其文均行
校梧推讓如東堂地址西北面尚有炭廠粉房占據支延
時西堂地址北面房屋已備價索錢一千吊文贖明尚
未稅契並有跟隨之紅白契紙四卷先呈於王爺台前查
閱後再行稅契西堂西面被公府占去不能直言收契由

堂西面界地○被連界鋪戶占去不少○至於北堂西面界地○有玻璃作人向本鑑牧言及○俟明年正月底方可交還○本鑑牧無法應允○以致占據北堂之住戶○亦均不可遷移○至於東南址亦均不清○本鑑牧不知如何辦理○伏候王爺命下是荷○

法國教士孟振生原呈

前曾呈於王爺台前○玻璃作地基○原係堂中地基○堂內安置製造玻璃之所○後因

高宗純皇帝派人在此學製造玻璃○後亦未另置別所○至收堂時○連玻璃作均行入官○並非原有之玻璃作○現因按舊堂圖

地基實缺。叩懇王爺開恩。按照和約全行賞還。特此奉呈。
甲中總理各國事務大臣薛煥。三口通商大臣兵部左侍郎
崇厚奏。臣等辦理日新巴尼亞國條約事宜完竣。西洋
使臣阿穆恩。尚無到津確信。欽奉

諭旨。薛煥著先行回京。欽此。臣薛煥當即欽遵。束裝回都。臣崇厚
旋據西洋領事官左啟。即遞到該使阿穆恩照會。當即送
交臣薛煥查看。因往復函商。該使照會內所稱領事官不
得派商人充當。開討過早等語。查該使前次照會。既稱此
層開討必行。今忽云開討過早。顯係飾詞枝節。不能不設
詞辯難。以期折服。至所稱第九款。任憑仍設立官局。均須

與法英美諸國領事官住紮澳門無異。並應照第二款所
載一切舊章。概行革除等語。其意以中國在澳門設官。直
欲以英法等國領事相待。殊與體制攸牴牾。自應與之辯論。
詰以條約第二款。雖載明將舊章革除。第九款又載明仍
設主官員。是應革除者。自應革除。應仍設者。自應仍設。兩
款既經分別。自然不得牽混。庶可杜其狡賴之謀。至澳門
究以何處為界。現已由總理各國事務衙門王大臣面詢
廣東撫臣查明再與折證。此時覆以容查明另議。並仍以
條約現屆應換之期。中國靜候來津互換為詞。使其無可
藉。○臣等將照覆發交該領事。在彼那轉寄該使查收。

御批該衙門知道

西洋國使臣照覆

為照覆事。接貴大臣來文內稱。須將和約未顯明處。豫先
言定。以免日後彼此誤會等語。本大臣代國政解明。來文
稱領事官不派商人。照條約速辦等語。查和約尚未互換。
何能得述。貴大臣問討過早。來文又稱。本大臣謂中國領
事官一語。中國無此字樣。中國官制亦無領事官名目等
語。查和約第九款內載。

大清國

大皇帝任憑設立官員。其該官員職任事權得以自由之處。均與

法英美諸國領事官等住紮澳門香港等處各員辦理自
己公務懸挂本國旗號無異等語本大臣按該官員權柄
辦事照諸國領事官住澳無異不論用何職銜之官不免
為領事官實也再第九款內

大清國

大皇帝任憑仍設立官員及稱澳門等國為此仍字貴大臣論為
和約所定澳門再立官員本大臣查和約第二款內載

大清國與大西洋來往交涉所有澳門彼此執政商辦各事既
已新定和約章程一切舊章自應革除等語該澳門舊官
員舊時之權在革除舊章今有新章程所以舊權概革除

也。來文又稱澳門地基向以三巴門為界。及前數年間貴國入竟將三巴門以外之地侵占數里。茲要將地歸還中國等語。查大西洋人自來澳到今居住到徑渚地方為止。萬歷二年在徑渚設立關隘為界。道光二十九年澳門執政者令拆去該隘之門。但西洋人未有越於門外居住。來文所提三巴門並一連之牆。在天啟三五年始建。此等圍牆是為保護地方之用。並非為界。其界先經有知。以上各層一一解明。今貴大臣既願本大臣前往天津。彼此互換和約。惟希依本大臣所解第九款明言願依。則互換可也。為此照覆。

給西洋國使臣照覆

為照覆事。接來文內稱。領事官不准派商人充當一層。問
討過平等語。查貴大臣乃貴國欽派換約之大臣。又加全
權字樣。此事換約後。即當照行。不能不豫先問明。否則換
約後。中國亦礙難將章程編行各省也。來文又稱和約第
二款內載。既已新定和約。彼此均應遵照辦理。一切舊章
自應革除等語。指為澳門舊時官員之權亦應革除。貴大
臣誤矣。查條約第二款雖載。明將舊章革除。第九款又載。
明仍設立官員。是應革除者。自應革除。應仍設者。自應仍
設。條約所載甚為明晰。毫不含糊。若將條約載明仍設之

事亦指為在革除之列則當時議立條約既有第二款何必又立第九款所以兩款分前後而立者正係聲明仍設官員之權不在革除之列也至於澳門地基來文以萬歷二年在此徑渚設立關腦為界道光二十九年澳門執政拆去該腦之門但西洋人未有越於門外者查澳門以三巴門為界人人皆知今貴大臣文稱舊以關腦為界想必另有實據容查明另議至於貴國條約已屆應換之期中國靜候貴大臣來津互換可也為此照覆

乙酉烏里雅蘇台將軍明誼塔爾巴哈台參贊大臣錫霖領隊大臣博勒果素奏等於本年八月二十九日承准

議政王軍機大臣字寄本年八月初三日奉

上諭此時新疆地方回氛猖獗而俄國兵隊又節節移近圖爾根河西住紮強占卡內地方等因欽此七月初六日接准伊犁將軍常清飛咨等因速將分界事宜趕緊按照議單辦結等因前和等公司商酌伊犁為根本重地因危已極止可照依該將軍來咨擬給俄國照會准照議單約派使臣速來換約並令其將伊犁兵隊撤出卡外靜候議分界地當於七月初十日行文俄國西悉畢爾衙門恭摺奏

聞在案茲於八月初六日接據巴克圖卡官稟稱道有俄國兵隊六百餘人攜帶礮械來至卡外小水地方住紮據該頭人

言稱奉我們上司派令先來候分界大臣前來會議顯有
逞兵挾制之意一面屬令領隊大臣等嚴飭在城兵丁暗
中防範十三日到卡次日蘇哈營傳補考帶從人三十餘
名前來居住該貿易園內十五日等等各遣人送給豬羊
雞鴨茶麪點心等物各十二色伊隨回送等洋履匣鏡
等物八色十六日在公所相見暮敘寒溫十八日派委員
阿克敦傳前往該園面訂會議日期該使面云我們前來
按照議單定界換約今索如芽等若照此畫定限道定界
將分入俄國地面舊住人丁均為俄國所屬如謂可行即
派員來圖在另有繪就圖內添寫清字地名以便互換若

不照此辦理稍有更改我們立即起程回國止好派兵強
占等詳覈該使國內畫定分界限道與去年到塔會議
時呈給圖說大略相同惟圖色去我國卡倫及內附蒙古
人取不能再竭力割脚稍圖補救當復擬開議單以該
使國內自沙賓達巴哈界牌起至齊桑洋爾北一段內寫
有唐努鄂拉達巴哈及薩彥山嶺賽留格木山嶺奎屯鄂
拉等地名查我國舊存圖內並無載有此等名現無從考
覈應自沙賓達巴哈界牌末處起直往西南由綽勒齊河
等處至齊桑洋爾不但經過各地名與我國舊存圖內易
於稽查可將阿勒坦洋爾烏梁海蒙古遊牧讓出一半庶

與貴大臣等前年所云阿勒坦淖爾係兩國公共地面之言相符該使臣離哈勞等云我們圖誌所開唐努鄂拉達巴哈即係唐努山嶺至薩彥山嶺等三處地名中國舊存圖中雖無其名然我們前開議單內已將應順大嶺向東向南水流之處為中國地向西向北水流之處為俄國地之語載明應於立界時由兩國立界大臣看其水流之方向建立界牌鄂博斷不至稍有疑似不清之處今聞你們擬開單子仍不依我們所指界址辦理止好起身回國帶兵強占該委員等百方譬喻始訂於二十一日在公所相見離哈勞先向等詢問西路回匪作亂之事等答以

現已派兵勘辦地面漸已肅清此等小醜跳梁何國皆所
難免何足齒及迨後言至分界之事難哈勞言今既約我
們前來照單換約將分入我國地面舊住人丁應隨地歸
為我國所屬我們必照依你們總理衙門去年照會所云
令伊等仍前安居樂業不至一夫失所如謂不可行我們
立即回國派兵看守分准地界等語等以理問導自午
至酉幾至舌敝唇焦該使臣絲毫不讓起身作別查該使
臣等上年會議時尚知顧惜聲名深以肇啟兵端為諱此
次於未來之前先派兵隊住紮近卡迨於會議時不但詢
問我國西路回匪變亂情事且竟敢動輒以用兵為詞肆

意強橫。窺其情形。非特急欲挾制完索。且欲趁我內外不
能兼顧之際。有意尋釁。藉圖報復。去年在伊犁敗兵之辱。
若不允其所求。必至立成決裂。且恐於議單外更添枝節。
值此西路回氛猖獗之時。若再加以俄人聲釁。更難收拾。
隨於二十三日。派委員阿克敦佈等。告以先允其在伊繪
就圖內。照依俄文用清字還音。註寫地名。並商擬後來一
切章程。該使臣將擬就章程數條。交委員呈閱。內有塔爾
巴哈台所屬。巴克圖卡外。小水地方。舊住種地民莊五處。
務於立界前。向內挪移。更有自成豐十年京城換約之日。
起。所有中國向在卡外住牧陸續越入卡內者。應於立界

時撥回原處。查此二層斷難照辦。小水地方種地民莊。該
民人等在彼開地建房居住年久。若遽拋地內。遽必至失
所。至所請卡外住牧之哈薩克布魯特人眾。於此數年間
有越入卡內者。應行撥回原處。查本年六月間。伊犁將軍
常清咨到片奏。索四即有俄人兵隊逼近卡倫。所有內附
之哈薩克布魯特人等。畏其強暴。漸已避入卡內。南北山
場之端。今該使諄爭此項人丁。顯係力與為難。若於立界
後。令此項人等仍赴卡外住牧。伊等斷不肯出卡。彼時俄
人必以我收納降人為詞。藉端尋釁。是一波未平。一波復
起。等語。派令委員連日往與該使臣等剴辯。小水地方民

約於立界後內移展至十年其由卡外移於卡內人丁允
以換約之日為準地面分在何國其人丁隨地歸為何國
管轄今伊等仍居故土各守舊業僅於換約後有越往他
處者再行照約撥回伊等各城以換約又到之日為準等
等公同熟商再無別策挽救適於二十九日接奉此次

廷寄

諭旨得有違備於九月初七日與該使臣互換記約圖誌完案該
使臣等於初九日由塔起程回國查該使前開議案業有
由科布多至塔爾巴哈台境內或由瑪呢圖噶圖勒幹卡
倫蘇鄂倫布拉克等處卡倫行知抑或由瑪呢圖噶圖勒

片卡倫往西南○靠塔爾巴哈台山嶺○在嶺之末處往西而
等論此二層均有室廬○但係議單所有不能不酌充一層○
當向塔城煙管屯廠各官商詢○究竟何層定界○室廬稍
輕○食薪末處灌田水源○及採薪取材之處○俱在此山○如依
塔爾巴哈台山嶺議分○山陽仍屬中國○尚與塔城軍民為
便○旁等於此一段○即係由瑪呢圖嘴關勒斯卡倫往西南
靠塔爾巴哈台山嶺議分○其餘分定界址○均與俄使前開
議單相符○今所議定自換約之日起○過二百四十日○即為
兩國立界大臣訂准日期○俄國派兩起立界大臣○均赴塔
爾巴哈台○與伊犁邊界之阿噶沁達蘭喀布塔善兩卡中

開會商一起會同伊犁立界大臣往西南按照議定界址
建立界牌鄂博一起會同塔爾巴哈台立界大臣往東北
按照議定界址建立界牌鄂博行至瑪呢圖噶圖勒幹卡
倫會同科布多立界大臣按照議定界址建立界牌鄂博
行至索果克卡倫會同烏里雅蘇台立界大臣按照議定
界址建立界牌鄂博至沙賓達巴哈止如遇大山以山梁
畫界遇大河以河岸畫界如遇橫山橫河俱以新立界牌
鄂博畫界至建立界牌鄂博時總以水流之方向作為立
界之憑擇其地方形勢建立如有大嶺行人不能越往實
難堆立之處卽以水流及山嶺為界其平曠之區兩國堆

立界牌鄂博時中間定出二十丈作為公中之地。俟兩國
立界大臣建立界牌鄂博畢。再將堆立界牌鄂博若干處
及均在何處堆立地名作記。互換為憑。等現已分咨伊
黎塔爾巴哈台烏里雅蘇台科布多。俟明年屆期各城主
界大臣照辦。至等現與俄使互換地圖六分。均係俄人
繪。謹將一分呈送總理各國事務衙門。恭呈

御覽。交備存查。一分咨明該撫。回烏里雅蘇台存案備查。其應送
伊犁科布多及塔爾巴哈台應存圖誌。我國區役照繪。恐
與該使所繪圖誌不能畫一。於立界時難為依據。是以仍
屬俄使雜哈勞等。飭令從人再行照繪數張。以便分送。現

今僅繪就一張該使臣亟於起程其餘趕畫不及許以回國後補畫二分准於年前送至塔城今將該使現繪就圖誌存紹塔爾巴哈台一俟年前將補畫圖誌二分送到時卽由努錫霖飭令本處司員照依現存圖內地名添寫清楚分送伊犁科布多各一分以便該兩城立界大臣執持前赴各本境會同俄使按照分定限道建立界牌鄂博努明誼於拜摺後帶同烏科兩城隨帶司員等起身先至科布多與廣鳳等面商善後一切事宜卽回本任其伊犁委員扎珠哩亦卽令其旋回伊犁

御批總理各國事務衙門查覈具奏單一件片二件併發

明誼等又奏○正格摺開於九月初九日○承准議政王軍機大臣字寄○同治三年八月十五日奉

上諭○廣鳳○奎○昌○泰○並勒科爾沁海留圖等處居住內附之哈薩克○作何安置○應由塔城辦理○並據著科屬蒙古情形○仍須照舊遊牧各摺等因○欽此○查廣鳳等所處係在努等接准常清咨令迅辦○俄使前開議單換約以前○自不能不熟籌安置內附之哈薩克○及阿勒坦淖爾烏梁海人眾之地○現已與俄使換約○所有被分去地面舊住人丁○隨地歸為伊圖科布多所屬○卡外住牧之阿勒坦淖爾烏梁海蒙古○現被俄國全行分去○並無仍隸我界○必須內遷安置之人○其塔爾巴哈台

所屬卡外住牧之哈薩克亦被該圖分切自無庸另行安
置。至廣鳳等摺內所稱查出阿勒台烏梁海遊牧內有哈
薩克公阿濟屬下之哈薩克在彼潛居一節。查明該等查
此項哈薩克原應在卡外住牧。今既查出伊等潛居卡內
阿勒台烏梁海遊牧。自應逐令出卡。惟現已節屆冬令。暫
行予以展緩。俟明年四月積雪消化時。由科布多派員將
此項哈薩克逐去卡外。以期久遠相安。免生枝節。

御批覽

明誼等又奏等與俄使分界已經議定換約後。接准伊
犂將軍常清等來咨內稱。此時既准俄國以常住卡倫為

界若能以綫取直。尚覺易於措置。惟議單所指彎入內向之地甚多。實於四愛曼人等生計大有關係。且內附之哈薩克。布魯特。亦無地可以安置。如於會議時向其婉商。所有伊犁西界。即自博羅胡吉爾卡倫外起。稍西徑由匡匡果羅鄂鑾卡倫。往南徑由察林河。直至特克斯色沁布克中為止。俾得將彎入內向之地讓出。以便安置內附等人。亦不過所讓數十里之地。諒該使臣亦無不從等因。又於九月十二日。接准科布多參贊大臣廣鳳等來咨內稱。八月二十日。據阿勒坦淖爾烏梁海總管莽岱等稟報。通有俄官車德查拉等十數人來。將總管商察罕旗下曉騎校

多果等男婦二百四十餘人之名數手印人將總管莽岱
旗下百四十餘人之名數手印擊去等情。咨知芽等照會
西惠畢爾衙門。務將現在阿勒坦淖爾烏梁海遊牧之俄
官先行調回。或令阿勒坦淖爾烏梁海兩旗人等仍舊住
牧。抑或內遷。會議時向俄使理喻等因。伏思華洋交涉事
件。但以信義為主。今豈能復照常例等語。稱令其讓出議
定界址。再興爭論。至廣鳳等咨知各節。查俄人前赴阿勒
坦淖爾烏梁海遊牧。亦服此項蒙古條在該分界使臣未
經來塔之前。是執意侵占。蓄謀已久。今已與定約。雖與俄
國行。今其撤回官兵。彼必置若罔聞。且謂中國無信。芽

等咨令廣鳳等。即將現在何勒坦淖爾烏梁海遊牧。均被
俄國分去。該蒙古等隨地歸為俄國。俄使已應允。仍令伊
等安居故土。各守舊業。由該大臣剴切曉諭。僅有必不肯
從。俄國之人。諒亦無多。或令趕緊移於卡內。暫行住牧。一
俟明年立界。相度時勢。妥為辦理。

御批覽。

與俄國使臣互換記約

大清國

欽差勘辦西北界事宜大臣定邊左副將軍銀紅旗漢軍都統明
誼。塔爾巴哈台參贊大臣副都統銜錫霖。塔爾巴哈台領

隊大臣副都統銜諾奇泰已圖魯博勒果素。大俄羅斯國
欽差分界全權大臣任紮伊聶格訶喇勒區蘇勒大臣斯
塔特新奇索斐業特呢克喀瓦里業爾依旺雜哈營分界
全權大臣悉畢爾兵隊大臣格訶喇呢什塔布之坡勒
科倭呢克喀瓦里業爾依旺博補考各承

君命遵照京城議定和約以敦兩國和好。在塔爾巴哈台會同將
自沙賓達巴哈起至浩罕邊界之蔥嶺止兩國中間應分
界址順山嶺大河及現在中國常住卡倫議定交界繪畫
地圖。國內以紅色限邊分為兩國交界。今將議定界址地
名並擬議章程開列於後。

第一條

自沙賓達巴哈界牌起先往西後往南順薩彥山嶺至唐努鄂拉達巴哈西邊末處轉往西南順賽留格木山嶺至奎屯鄂拉即往西行順大阿勒台山嶺至齊桑淖爾北面之海留圖兩河中間之山轉往西南順北山直至齊桑淖爾北邊之察奇勒莫斯鄂拉即轉往東南沿淖爾順喀喇額爾齊斯河岸至瑪呢圖當圖勒幹卡倫為界此間分別兩國交界即以水流為憑向東向南水流之處為中國地向西向北水流之處為俄國地

第二條

自瑪呢圖嘴圖勒幹卡倫起往東南行至賽哩鄂拉先往
西南後往西行順塔爾巴哈台山嶺至哈木爾達巴哈即
轉往西南順庫木爾齊哈喇布拉克巴克圖華塘子瑪呢
圖沙喇布拉克察汗托霍依額爾格圖巴爾魯克莫多巴
爾魯克等處卡倫之路至巴爾魯克阿拉套兩山嶺中開
由平地行即在哈布塔善阿嚕沁達蘭兩卡倫中開擇山
坡定界自此至阿勒坦特布什山嶺東邊末處為界此間
分別兩國交界即以水流為憑向東向南水流之處為中
國地向西向北水流之處為俄國地

第三條

自阿勒坦特布什山嶺東邊末處起。依阿拉套大嶺往西。順阿勒坦特布什索達巴哈庫克托木罕喀爾察蓋等山頂行。向北水流之處。為俄國地。向南水流之處。為中國地。至向東流水之薩爾巴克圖河。向西流水之庫克鄂羅木河。向南流水之奎屯河源之巨果羅鄂博山。卽轉往南。向西流水之庫克鄂羅木等河之處。為俄國地。向東流水之薩爾巴克圖等河之處。為中國地。自此由奎屯河西邊之奎塔斯山頂。行至圖爾根河水從山內向南流出之處。卽順圖爾根河依博羅胡吉爾奎屯齊齊幹霍爾果斯等處。卡倫至伊犁河之齊欽卡倫。過伊犁河往西南。行至春濟。

卡倫轉往東南至特穆爾里克河源轉東由特穆爾里克
即南山頂行圍繞哈薩克布魯特遊牧之地至格根河源
即轉往西南格根等向西流水之處為俄國地溫都布拉
克等向東流水之處為中國地自此往西南由喀喇套山
頂行至畢爾巴什山即順向南流水之達喇圖河至特克
斯河過特克斯河順那林哈勒河靠天山嶺為界自此
往西南分斯回子部落布魯特部落住牧之處由特穆爾
圖洋爾南達之罕騰格爾薩元巴齊貢古魯克喀克善等
山統曰天山之頂行至蔥嶺靠浩罕界為界

第四條

現將邊界順山嶺大河及常住卡綸議定後其邊界以外
分入俄國之地原有中國烏里雅蘇台科布多所屬大阿
勒台等山嶺迤北舊駐之烏克克等卡倫塔爾巴哈台所
屬塔爾巴哈台山嶺迤北舊駐之鄂倫布拉克等卡倫及
阿拉套山迤北舊駐之胡蘇圖阿嚕沁達蘭卡倫伊犁所
屬舊駐之匡累羅鄂倫等卡倫建立界牌鄂博以前仍聽
中國在彼駐守統俟明年兩國立界大臣會同建立界牌
鄂博時何處將界牌鄂博立畢即將何處應向內那移卡
倫限一月內那移

第五條

今將邊界議定。永固兩國和好。以免日後兩國為現定邊界附近地方住牧人丁相爭之處。即以此次換約文到之日為準。該人丁向在何處住牧者。仍應留於何處住牧。俾伊等安居故土。各守舊業。所以地面分在何國。其人丁即隨地歸為何國管轄。嗣後僅有由原住地方越往他處者。即行撥回。免致混亂。

第六條

自現在議定邊界換約之日起。過二百四十日。即為兩國立界大臣打准日期。俄國兩起立界大臣。均赴阿嚕沁達蘭喀布塔蓋兩卡中間會席。一起會同伊犁立界大臣往

西南按照議定界址。建立界牌鄂博。一起會同塔爾巴哈
台立界大臣往東北。按照議定界址。建立界牌鄂博。行至
瑪呢圖噶圖勒幹卡倫。會同科布多立界大臣。按照議定
界址。建立界牌鄂博。行至索果克卡倫。會同烏里雅蘇台
立界大臣。按照議定界址。建立界牌鄂博。至沙賓達巴哈
山。如遇大山。以山梁畫界。遇大河。以河岸畫界。如遇橫山
橫河。俱以新立界牌鄂博畫界。至建立界牌鄂博時。總以
各界址處所水流之方向。作為立界之憑。擇其地方形勢
建立。如有大嶺。行人不能越往。實難堆立之處。卽以水流
及山嶺為界。其平曠之區。兩圖堆立界牌鄂博時。中間空

出二十丈作為公中之地。所立界牌鄂博以左。其山河所產一切物件均屬中國。所立界牌鄂博以右。其山河所產一切物件均屬俄羅斯國。

第七條

明年兩國立界大臣建立界牌鄂博畢。再將堆立界牌鄂博共若干處。及均在何處堆立地名。作記互換為憑。

第八條

今將兩國應分界址議定。建立界牌鄂博後。倘有河源係在中國。而流注於俄國者。中國不得改截其流注之故道。倘有河源係在俄國。而流注於中國者。俄國亦不得改截。

其流注之故道

第九條

從前僅止庫倫辦事大臣與恰克圖國庫爾那托爾及伊犁將軍塔爾巴哈台參贊大臣與西志畢爾總督往來行文。自今勘定邊界之後。烏里雅蘇台科布多二處遇有會同俄國查辦事件。應擬增添由烏里雅蘇台將軍科布多參贊大臣與托木色米珀拉特二省國庫爾那托爾往來行文辦理。其所行文件。或用清字。或用蒙古字俱可。

第十條

塔爾巴哈台所屬巴克圖卡倫迤西小水地方舊有種地

納糧民莊五處該處地面按今議定界址雖已分在俄國
惟該民人所種田地斷難遽令遷移應於立界後限十年
內令伊等陸續內遷今經兩國會同議定將一切分定界
址繪圖四分圖內分定界址地名用俄羅斯字滿洲字合
璧註寫兩國勘界大臣鈐印畫押並作此記約用俄羅斯
字滿洲字各書寫四分兩國勘界大臣鈐印畫押一併互
換兩國分界大臣各存圖誌一分記約各一分以便查辦
外其餘圖誌二分合璧記約二分由兩國分界大臣自行
呈送各本國總理各國事務衙門各一分以備補續京城
議定條約為此互換記約可也

御批覽

壬辰總理各國事務衙門恭親王等奏。同治三年十月十八日。軍機處鈔出合勘西北界大臣明誼等奏。分界一事。迫於時勢艱難。已照俄使前來議單換約。以完巨案。而顧大局各摺片奉

旨總理各國事務衙門查覈具奏。單一件片二件併發。欽此。臣等查分界一事。經明誼等屢次與俄國分界使臣在塔城會議。多方駁辯。復經臣衙門與該國住京公使往復詰辯。並給與照會。逐層指駁。相持數年之久。原冀設法展緩。或可補救一二。不意本年七月間。據常清奏稱。俄國兵隊移近

圖爾根河位勢強占卡內地方現在庫車等處相繼失陷
伊犁人情惶惑加以俄界未分防堵喫緊若不變通辦理
實屬不堪設想咨行明誼等速將分界事宜趕緊按照議
單辨結等因明誼等遂擬給俄國照會約派使臣速來換
約而俄使未來之前竟先派兵隊到塔屬巴克圖卡外位
勢以為挾制之計及明誼等與該使雜哈勞等相見動輒
逞強迥非上年情狀可比該將軍等窺其形勢若不允所
求必至立成決裂因迫於時勢艱難遂允准照依該使繪
就圖內所畫分界限道註寫清字地方於九月初七日與
該使互換記約圖該將軍等自係國事處萬難不得不

從權等紳士等因。將該將軍等咨送地圖詳細檢閱。此次所畫分界限道。尚與該俄使前開議單地名界址相符。其議單內所載。由科布多至塔爾巴哈台境內。或由瑪呢圖噶圖勒幹卡倫。緣鄂倫布拉克等處卡倫行走。抑或由瑪呢圖噶圖勒幹卡倫往西南。靠塔爾巴哈台山嶺。在嶺之末處往西行兩層。既據該將軍聲稱。依塔爾巴哈台山嶺。議分山陽於軍民為便。自當照議辦理。其記約各條。如第四條。明年兩國立界大臣會同建立界牌鄂博時。烏里雅蘇台四城所屬卡倫。有應向內那移者。限一月內那移。及第十條。塔城所屬巴克圖卡外小水地方民莊五處。於立

界後限十年內陸續內遷等語。與條約所載。及常住卡倫等處。並臣衙門歷次所奏。照章游牧各層。微有不符。第既據該將軍等聲稱。該俄使此次動逞強暴。屢經委員等往復剖辯。牢不可破。因顧全大局。業經允准互換。自可無庸再議。以免另生枝節。至第一條。第二條。第三條。議分界址。其山嶺道路及水流方向。臣衙門無從深悉。應責成該將軍等。豫行嚴飭。明年立界。大臣先行查勘。明晰。以便屆時建立界牌。鄂博。不得稍有含混。致令侵占愈多。至片奏內稱。接准常清咨會。與俄人婉商讓地。並接廣鳳咨會。將阿勒坦淖爾島梁海游牧之俄官先行撤回。均在已經議定。

換約之後礙難再與爭論等語。自係實在情形。但阿勒坦
津爾烏梁海蒙古部落中。如果有真心內附。必不肯從俄
國之人。亟須趕緊擇地。令伊人丁等移於卡內住牧。不得
遲至立界時再行遷移。致俄人有所藉口。另片奏稱。廣恩
等摺內所稱。查出阿勒坦烏梁海遊牧內有哈薩克。在彼
潛居。應俟明年積雪消化時。由科布多派員。將此項哈薩
克運出卡外等語。自係以此項哈薩克首鼠兩端。與真心
內附之蒙古部落不同。應照所議辦理。其餘善後未盡事
宜。仍應請

旨飭下該將軍等隨時詳細籌畫。妥為布置。一面知照各城將軍

大臣。豫為晚諭各處人民。分界後務須各守疆域。以期久
遠相安。並嚴飭各守卡弁。隨時認真巡防。實力稽查。不
得稍涉因循。致俄人仍前潛行侵佔。是為至要。

御批依議

籌辦夷務始末卷之二十九